

12/10-2021
UKA 2021/132
Emanuel Nūko, Naleraq



Kalaallit Nunaanni Eqqartuussisarnermik inatsisip inatsisillu allat assigiinngitsut allangortinneqarnissaannut inatsisissatut siunnersuummut missingiut pillugu (Politiit pillugit aaqqissuusseqqinnermik, politiinik naammagittaalliuutiginnissinnaanermik nutaamik aaqqissuusinnermik pilersitsinnermik il.il. naammassinnineq) Kalaallit Nunaanni Namminersorlutik Oqartussat akuersinissaat pillugu Inatsisartut aalajangiiffigisassaattut siunnersuut.

Siullermeerneqarnera

Ineqarnermut, Attaveqarnermut, Aatsitassanut, Inatsisit Atuutsinneqarneranut Naligiissitaanermullu Naalakkersuisoq qujanaq saqqummiussannut.

Qallunaat Kalaallillu suliaasaqarfinni arlaqartuni suleqatigiilluarnarat ineriartortitsinerallu Naleqqamiit nuannaarutigaarput.

Kalaallit Nunaanni politiit unnerluussisussaataasullu atugassarititaat aaqqissuusseqqinnissamik siunertaq, annertuumik aaqqissuusseqqittoqarnissaa inatsisissatut siunnersuut taperserparput. Nunap immikkoortuini politiit allatulli atugaqalernissaat pissusissamisoorpoq.

Nunap immikkoortuini 14-nini politiit pisortaanerisa pisortatigoortumik naligiissinneqarnerat, Kalaallit Nunaanni Politimester-imiit politidirektørimut allangortinneqarnissaa aaqqissuusinnermut ilaatigut ilaavoq.

Immikkoortoq alla pingaarutilik politiit sulinerat pillugu nunap immikkoortuini siunnersuisoqatigiinnit pilersitsinissaq siunertaa politiit najukkanilu innuttaasut attaveqatigiittarnerisa patajaallisarnissaat pitsaasutut isigaarput taamaasilluni Kalaallit Nunaanni Politiit pisortaanerisa, Naalakkersuisut borgmesterillu ataatsimut soqutigisatik pillugit apeqqutit oqaloqatigiissutigisinnaalernissaat aqqutissiuunneqassaaq.

Taamatut oqaaseqarluta saqqummiussap ataatsimiititaliamut susasasaqartumut ingerlateqqinnissaa innersuupparput.